


NOTFAU: Quenny, 12j.



suechet dringänd äs nöiis Daheime i Wohnigshautig

Liebe Tierfründe

Ig bi d'Quenny, ja, d'chlini Königin, so fühl ig mi mängisch. Ig wott hüt emou hoi säge. Ig sueche nämlech ganz dringänd es nöiies Daheime. Warum? Mis liebs Froueli cha mi us gsundheitlechi Gründ nüm versorge. Mir wohne zäme im Autersheim, abr dört het niemer Ziit für mi. Ig chumme eifach viu z'churz im Pflägutag. Drum!

Ig bi 12jährig, kaschtriert, gimpft, chippet, teschtet u schtuberein. U gsung, bis uf mini Schiuddrüs, die bruucht täglech es Tablettli. Das nehm ig ou brav, im Schlecki, das isch mega fein. Ig bi ganz e uuchomplizierti Chatz, ig lieb's ruhig u gmüetlech. Schmüsele isch grad nüm so Mis, ig gloub, ig ha's verlernt, sy hei hier haut alli chei Ziit für mi zum Schmüsele. Abr das cha mer doch wiedr lehre, odr? Mit Dir zäme sött das doch chlappe, was meinsch? Ig bi abr aafangs no ziemlech schüech u bruuche Ziit u Geduud zum Aachoh. Ig chenne nur d'Wohnig, war no nie dusse. Abr e gsicherete Baukon, da wär tou, das wär öppis für mi, zum Sünnele im Summr. Das muess mega schpannend sy, dört Vögeli luege. Hung, Chatz u Chong chenn u wott ig nid, sy mir uuheimlech. Nur Du u ig, so chenn u wott ig das wiedr. Du dörftisch ou zu zwöit sy, abr nid meh Lüüt. Zwöi reiche mir.

Ig sueche e ruhigs, entschannts Daheime bi nätti chatzeerfahreni Lüüt, die wo mii mim Tempo lah aachoh u uf Läbensziit wönnt verwöhne u lieb habe. U die wo nid glii ufgäh, wenn ig nid am erschte Tag scho zum Schtriichele für choh. Ig bi es pärfekts Büsi für Pensionär mit viu Ziit. Bisch Du oft dihei (u würdsch Du mi bschütze u uf mi ufpassse)? Magsch Du's ou liebr ruhig u gmüetlech? Hesch Du ou so en tou Teppich zum Räkle? U suechsch Du e Mitbewohneri? Das wär's! Denn müesst mir üs unbedingt lehre chenne. Ig wohn im Moment no z'Seedorf/BE, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ig weiss, Wiihnachte isch scho verbii, abr villiicht het dr Wiihnachtsmaa no es Reservegschänkli übrig. Für mi! Bisch Du mis Gschänkli? Wenn chunnsch Du mi bsueche?

Dini Quenny



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch